

續  
江  
東  
白  
苧

續江東白苧

卷上

南呂

宜春令

辛酉季秋代沈太  
玄贈金陵楊季真

太師引

瑣窗寒

三段子

東歐令

三換頭

劉潑帽

大勝樂

解三醒

節節高

三學士

大趸鼓

撲燈蛾

尾聲

中呂

好事近

壬戌寄春代朱長孺贈金陵呂小喬

榴花泣

錦纏道

千秋歲

普天樂

鮑老催

古輪臺

尾聲

雙調

步步嬌

丙寅初夏爲廬陵尹教甫贈金陵蔣蘭玉小字綺霞作

孝南歌

香柳娘

園林好

江兒水

倖倖令

尾聲

南呂

懶画眉

改定武林沈青門作

不是路

中呂  
皂角兒

尾聲

雙調

步步嬌

癸亥秋夜同雲房哥  
姬坐雨西窗感舊作

忒忒令

沉醉東風

好姐姐

園林好

江兒水

五供養

玉交枝

川撥棹

香柳娘

尾聲

中呂

尾盆兒

已巳立秋夜雨悼  
卞姬胥雲房作

榴花泣

喜漁燈

尾聲

中呂入  
雙調

攤破金字令

庚午孟夏望夕遇虞山月容張一兒於虎丘殿堦作

夜雨打梧桐

雙調

二犯江兒水

贈石城美人

雙調

孝南歌

庚午初秋悼正改定舊曲

商調

黃鶯兒

題幽蘭

簇玉林



南呂

紅衲襖

改定金陵金白襖蕭爽齋集寄情之作

五更轉

浣溪沙

東歐令

大迓鼓

節節高

金蓮子

尾聲

正宮

破齊陣

辛未五月咏  
時序悼亡作

刷子序

端午

普天樂

七夕

尾犯序

中秋

錦纏道

九日

傾盃序

長至

玉芙蓉

除夕

小桃紅

一作山桃犯非越  
調小桃紅也元宵

海東白  
推拍上巳

一撮棹清明

仙呂

月兒高

辛未八月初四日紅橋庄居作

桂枝香

不是路

排歌

皂羅袍

大聖樂

解三省

皂角兒

尾聲

中林

好事近

代寶界山人  
寄趙素卿作

錦纏道

普天樂

古輪臺

尾聲

南呂

香羅帶

壬申秋何昭華訪余玉山  
山下扁舟西歸賦別

醉扶歸

香柳娘

尾聲

南呂

七犯玲瓏

壬申八月十七夜遇  
陳芳蘭于虎丘作

前腔

再寄陳  
芳蘭

續上江東白苧目

續江東白苧卷上

仇池外史梁辰魚

南呂

宜春令

辛酉季秋代沈太  
玄贈金陵楊季真

貂裘染洛下塵笑浮名棲遲此身秣陵秋盡雲  
衢有路無鴻引奈江頭一夜西風都吹上半生  
愁鬢堪憐韶華荏苒百年一瞬

太師引

算前程畢竟全無准羨鵬搏何年化鯤怎消得

重門青晝况值着孤館黃昏生平意氣休相哂  
聊寄跡錦營花陣平康路車蹄馬輪從今後向  
陽臺覓暮雨朝雲

瑣窗寒

遍青樓尋訪殷勤邂逅當年第一人見風儀俊  
朗性格溫醇趨承濟楚衣衫淹潤淡梳粧不施  
脂粉可憎青團半掩啓朱唇頓然一座生春

三段子

問伊近庚是楊家初年長成問伊小名是楊家  
當年大真疑是霓裳隊中金蓮襯沉香亭畔春  
醒醒寂寞闌干梨花風韻

東甌令

我烟霞相不同羣好惡相傾越與秦誰知窈窕  
還相信議論多奇俊笑笑悠悠世路總浮塵青眼  
更何人

三換頭



哀腸未明欲言難進姻緣到也喜堯的便親書  
生何幸這其間只得把那飄蓬此身來儘一霎  
成秦晉春生白練裙意外良緣真個一夜夫妻  
百夜恩

劉潑帽

繡牀跟底將鞋兒褪却勿忙未掩樓門深深叩  
謝周公瑾你莫浪聞這恩德應難盡

大勝樂

問娘行這段姻親却緣何心便肯多應宿世緣  
和分因此上一時渾分明是雙雙蛺蝶迷花徑  
兩兩鴛鴦護水紋情真意愧非干是偷寒送暖  
棄舊憐新

解三醒

休忘了分香寶鼎休忘了待月疎櫺休忘了生  
辰八字親相訊休忘了對剪烏雲休忘了侯門  
晝索潛投奔休忘了別館宵分挹淚痕伊休混

江東白洋  
須不是他家行徑似假疑真

節節高

恩情難具陳未經旬別離兩字當心撐  
歸何迅  
杯易傾情難盡春明門外程途亘疎林處處斜  
陽映只恐分離在須臾片時人遠天涯近

三學士

都城南出霜風緊黯然欲別銷魂君如想妾還  
愁妾妾若忘君是負君歲月蕭條難過遣書和

信莫厭頻

大迓鼓

離亭酒一樽青衫溼處盡是啼痕瀟瀟匹馬投  
荒徑嘹嘹征雁渡孤村雜沓長途淒涼暮雲

撲燈蛾

時開一紙書每玩雙鉗印追想那多嬌不覺迷  
畱沒亂也看腰圍瘦沈願年年芳草帶王孫鏡  
臺前逗畱京尹眉重暈紗窗着意再溫存

尾聲

春風再入淮南郡，看行行一騎到都門。肯做青樓薄倖人。

中呂

好事近

壬戌季春代朱長孺贈金陵呂小喬

書寄秣陵賒奈樓前雲水重，疊落花飛絮，拚堪暮春時節。淒切夜雨曉風，臺榭空梁燕。誰遣伊來傳說道，佳期休虛度也。絮叨叨恰如窗下分別。

榴花泣

追思當日別館酒初設逢迎處繡簾揭匆匆禮  
數甚周折看趨承舉止羞怯腰圍一捻似縈欄  
弱柳絲牽惹鬪纖軀掠水蜻蜓試輕衣逗風蝴  
蝶

錦纏道

玳筵列滿華堂會當年俊傑初相見甚干陟料  
姻緣前生未定難道就和叶怎知伊多情好姐

姐含情處眼波雙借翠帶兩偷結佳期密邇相  
將不暫撇宴罷催歸去笑踟躕同上七香車

千秋歲

那冤業只道難消受誰知道早便寧貼公瑾當  
年公瑾當年渾如綴着喬家枝葉春衣褪雲鬟  
卸相偎處身兒起故把羅幃扯怕花燈斜照回  
過桃頰

普天樂

向蒼穹把盟香燹負心的天難赦繡囊中雙貯  
烏雲羅衫上對粘青血從今記者這恩情忍教  
中道輕絕

鮑老催

龍城鳳闕青樓雖是多懽悅銀蟾長恨空圓缺  
奈山鬱盤水潺湲雲明滅臆懸玉筋啼應裂胎  
含荳蔻春方淺心摧鐵馬秋爭掣

古輪臺



記初別疎林處處下黃葉那堪逆旅西風夜孤  
村茅舍况枕塊衾鐵酒醒處依稀蘭麝敗壁虫  
吟破幃燈射夢魂中猶記語些些道我音書頻  
寫雁南來早寄回帖休長恁雨散雲收冰消  
解水流花謝莫遣坐銷歇恩難捨還期同宴錦  
堂月

尾聲

遇良辰逢佳節管領着歌臺舞榭日日春風醉

狹斜

雙調

步步嬌

丙寅初夏爲廬陵尹教甫贈  
金陵蔣蘭玉小字綺霞作

小曲幽坊重門啓  
簾幙濃雲裏  
燈前乍見時  
旋束腰圍高盤雲髻  
淡淡遠山眉  
雙眸細剪如秋水

孝南歌

芙蓉面冰雪肌  
生身蔣山年未笄  
孌孌十三餘  
梅花半含蕊  
似開還閉初見簾邊羞澁  
還畱住

再遇樓頭款接多  
懽喜行也宜立也宜坐又宜  
偎傍更相宜

香柳娘

笑書生路迷笑書生路迷  
驀投花底霎時便拜  
兄和妹比蘭玉未奇比蘭玉未奇  
却憶謝玄暉  
餘霞散成綺擬卿卿此詞擬卿卿此詞  
做小名  
兒贈伊切須牢記

園林好

歌喉振浮雲敢馳箏絃動流鶯敢啼看縹緲畫  
梁塵起紅袖底雁行低纖指下鳳凰飛

江兒水

窗掩樓兒上繡帳垂似桃花浪裏鴛鴦對偷香  
蛺蝶花房綴迎風楊柳雕欄倚不是多情牽繫  
愛他俊俏身兒更性格偏投人意

倖倖令

不勞三月雁誰怕午時雞豈止暇日逢場聊作

戲拚夜夜夢巫山雲雨歸

尾聲

撰成一折青樓記羨才子佳人雙美畱取當年  
作話提

南呂

懶畫眉

改定武林  
沈青門作

小名兒牽挂在心頭總欲丟時怎便丟渾如吞  
却線和鈎不疼不痛常拖逗只落得一縷相思  
萬縷愁

不是路

無了無休鎮日縈牽不自由難窮究只因幾度  
送雙眸謾追求假若他不應花前口爲甚麼還  
將熱話兜休相誘有心待共鬆羅扣不如早些  
成就早些成就

中呂

皂角兒

任勾差隨時應酬趁埋冤總然承受不爭差性  
命心肝好一似爹娘骨肉又可曾氣兒呵情兒

江身白  
劫話兒朝麗兒訕一些相關隨衙聽候朝來算  
休但得個尤雲殢雨勝是封侯

尾聲

憑將風月都投首不信冤家不轉頭終有日飛  
上紅香燕子樓

雙調

步步嬌

癸亥秋夜同雲房胥  
姬坐雨西窗感舊作

半夜蕭疎芭蕉雨葉葉西風裏相將夢覺時一  
枕華胥十年心事細數兩欸戲柔情不斷如春

水

忒忒令

論孟浪是生平的大都說薄倖是少年時活路  
野花閒草幾曾輕回顧迷魂陣久荒蕪迷魂陣  
久荒蕪又誰知命運遭惹閒情萬縷

沉醉東風

記當時曾通素書到年來數傳清譽奈深戶映  
花關深戶映花關天涯爾汝空奔走東西隣嫗



河橋故居山城小溪依稀記得風簾露出繡襦  
好姐姐

沉淪數載有餘更沒處問消尋息他生未卜此  
生應見稀甘拋棄靈禽久被樊籠繫誰料秋來  
放雪衣

園林好

病相如在文園著書曠文君正臨邛寡居還沒  
有遞春心綠綺險增出酒家壚險增出酒家壚

江兒水

瞥見深深巷款款扉緣何欲避還疑竚初疑施  
氏西村女原來宋玉東隣妹雅淡裙衫白苧小  
立迎風注目似曾相識

五供養

方知是你這段姻緣會合真奇遂憑冰上語竟  
赴月中期看他衷情幾許遍訴出半生憔悴道  
幽花經雨感皓月被雲迷受盡淒涼萬般滋味

玉交枝

今朝得遇感娘行素心不移渾如枯樹生連理  
分明得水遊魚因思往事多淚垂從今相守君  
須記對西庚明星見知仗東君鶯花有主

川撥棹

會真詩雙文句楚臺風巫峽雨笑兒曹既不  
知笑兒曹既不相知枉奔波磨穿襪兒弄機關  
你好痴破姻親却怎的

香柳娘

我而今共伊我而今共伊花前月底願年年同  
伴春光住總閒言有些總閒言有些任他們自  
傾歆和你甘心且包蔽算人生有幾算人生有  
幾休攢兩眉試看傀儡

尾聲

綠窗人靜風兒細追想當年難遇可負韶光十  
二時

中呂 瓦盆兒 已巳立秋夜雨悼  
亡姬胥雲房作

虛堂坐雨西風蕭瑟起林臯聽落葉小窗敲怎  
禁他雲房獨掩夜寥寥空贏得淚痕濃黯淡了  
鮫綃誰憐我破題兒新秋第一宵你何處絕無  
消耗想那裏郵亭稀雁魚少書難到愁詠楚些  
魂斷倩誰招

榴花泣

簾櫳深處常獨伴那多嬌今只剩影瀟瀟只見

粧臺塵鎖翠鈿拋羅衣帶結猶繫紫絲絛記恩  
多怨少七年心難對傷人道謾追他舊日風儀  
祇憐伊病來容貌

喜漁燈

幾回欲覓巫山廟恐飛夢杳陽臺下空雨暮雲  
朝雖則是遇伊遇伊又被雞驚覺鴛衾冷轉覺  
無聊烟消風花露草好添香寒灰怎燒

尾聲

蓬山隔雲路遙何日閉吹月下簫腸斷東風第

五橋

中呂入  
雙調

攤破金字令

庚午孟夏望夕遇虞山月  
容張一兒於虎丘殿堦作

芳容並月皎潔如明鏡飛來碧海常在清墟境  
欲問嬋娟未通名姓誰想上方深處一闌花影  
相逢彼此無限情疑排廣寒扃嫦娥下紫清林  
際風生天畔雲停娥歌一聲飛露冷

夜雨打梧桐

身材小性格靈騫地裏乍逢迎眼波橫况復香  
肩偷凭促急寒温難敘細語惺惺依稀似聞花  
外鶯奈匆匆頓別頓別一天風景鷄聲五更月  
落可中庭頃刻人何處鐘開春殿燈

雙調

二犯江兒水

贈石城美人

風流聰俊看姐姐風流聰俊皇都真妙品羨身  
兒窄小性子温純不搽朱不傅粉生怕到黄昏  
生怕到黄昏移燈便掩門要結姻親須敘寒温



莫淹畱不上緊願姐姐將懽歛  
眞願姐姐將懽  
眞歛做好事霎時從順那裏見  
做猫兒的不喫  
葷

雙調

孝南歌

庚午初秋悼  
亡改定舊曲

情難盡念怎忘西風蕭瑟起洞房  
明月照空廊  
梧桐清影涼人孤夜長鞋拆金蓮  
鏡破菱花樣  
香冷萸囊被捲芙蓉帳掩綺窗倚  
繡牀思憶雪  
衣娘在何方

簡調

黃鶯兒

題幽蘭

芳館坐黃昏對幽蘭欲斷魂微風逗處香成陣  
丹心露凝青苞淚勻曲欄幽幽常親近影紛紛  
輕盈舞罷姑射是前身

簇玉林

疎簾挂半掩門向西窗月一痕牽衣翠帶多風  
韻最堪憐潘郎相伴俱清潤挹清芬深居空谷  
絕代有佳人

南呂

紅納襖

改定金陵金白嶼蕭爽齋集寄情之作

鞦韆香肩鬆臂金削纖腰寬帶錦這些時嬾把生  
綃理針紉羞將寶鴨添水沉自別來還至今幾  
曾時放下心不能勾一霎徘徊兩意綢繆也只  
落得夜孤眠伴繡衾

五更轉

冷鳳幃虛鴛枕對金尊誰共斟淒涼此際難消  
任誰料冤家薄情特恁到今來猶記得花前飲

閒窗寂靜空顛審彷彿逢君梅花月蔭

浣溪沙

他負心真忒甚枉教人肺腑簪針金錢不准年  
來識錦瑟空閒月下吟身凜凜不由人不迷魂  
沒合煞空勞勞吊膽提心

東歐令

心中印口中噲到向那陽臺曉夢尋清宵淚滴  
衫兒衽桃花冷胭脂沁畫闌月轉粉墻陰無奈

江東白草  
續上  
漏沉沉

大迂鼓

逢人覓信音  
奈衡陽雁杳  
湘浦魚沉  
傷秋漫把  
閒愁禁  
怎當他夕陽  
歸鳥下  
疎林撇却  
權娛番  
成病侵

節節高

秋來意更深  
漫思尋音書  
欲寫還廝  
際空追審  
不見臨  
因些甚  
兔毫血  
蘸尖兒  
浸鸞牋  
墨洒行

兒淋一緘離思逐雲飛遍身香汗和衣滲

金蓮子

倩塞禽多情定見機中錦料應是長吟還短吟  
爲甚的惡姻緣更重重遠水又遙岑

尾聲

算來人世多讒譖大都常是負初心誰似我海  
樣相思直到今

正宮

破齊陣

辛未五月咏  
時序悼亡作

江東白志  
帳掩香消人去房空珮冷魂歸桃李春風梧桐  
秋雨又是經年隔歲忽憶綢繆生前語夢見依  
稀覺後疑人間長別離

刷子序

端午

蒲酒啓瑤席雕梁燕兒依舊雙棲奈物是人非  
一旦雲鎖空閨堪悲香艾裊鬟釵已委蘭湯膩  
臂絲曾繫夜涼倚醉小窗西半簾殘月曉鶯啼

普天樂

七夕

鵲橋橫雙星會玉露潤金風細羨誰家乞巧樓  
頭笑聲喧玉倚香偎恨獨拆鴛鴦對目斷盈盈  
銀河水妬半郎織女夫妻任天長團圓到底笑  
人間爲何途路便拋離

尾犯序

中秋

長空一鏡輝萬里全無一點纖翳此夜當年記  
雙凭玉肌徙倚空追念香鬟霧鎖空追念弓鞋  
露綴嫦娥寡蟾宮獨守天遠信音稀



錦纏道 九日

雁來期正秋風寒雲亂飛把酒對斜暉問芳卿  
爲甚的便蕙損蘭摧想蕭關黃葉盡起念漢殿  
紫萸誰佩歲月轉淒其衾餘枕剩初寒未授衣  
辜負登高節對黃花羞插滿頭歸

傾盃序 長至

時移日漸長轉候灰又節值書雲歲捱幾度寒  
砧幾聲殘角幾個孤鴻別館的滋味慘年華過

眼暑來寒往一生無幾線空添要見伊還共日  
俱遲

玉芙蓉

除夕

空傾栢葉杯枉泛椒花盞總迎新愁看斗柄春  
回誰憐今歲今宵盡又早明年明日催消長夜  
撥寒鑪死灰這傷心只有歲寒知

小桃紅

一作山桃犯非越  
調小桃紅也元宵

燈影下人蓑裏火蛾轉笙歌沸家家盡簇神僊

隊花容誰似娘行比歸來空倚書幃立寒窗底  
獨展畫裏崔徽

摧拍

上已

記袞除流觴水湄記游衍踏青翠堤記郊原路  
迷記郊原路迷挈榼提壺處處徘徊香輦雕鞍  
步步追隨今安在海角天涯魂欲斷日平西

一撮棹

清明

人何處墓上草新齊悲風起棠梨上紙錢飛孤

墳小殘月冷走征狸青衫淚盡似杜鵑啼痛殺  
青松底又添一新鬼天地永日久想魂兮

仙呂

月兒高

辛未八月初四日  
紅橋庄居作

月冷青松殿秋開廢宮苑偃息長林下滿壁生  
蒼蘚瘦比黃花猶憶那人面西窗亂葉清霜剪  
宋玉悲深淒涼紈扇天絃斷已三年除非是再  
續鸞膠方歸舊庭院

桂枝香

秋鴻已遠春鶯方囀誰知路入花溪有個人兒  
曾見似東風柳條似東風柳條翠翹花顫玉鈿  
雲碾這冤牽一似韋郎妾來尋未了緣

不是路

何處嬋娟生在人間二十年真堪羨漁郎來起  
武陵源信難傳重門慣臥金鈴犬欲扣花房未  
敢前閒遊遍數來簾底尋方便盡憑春燕盡憑  
春燕

掛歌

白羽霜中丹楓水邊輕橈駕破蒼烟石橋西下  
響潺湲楊柳風牽隔岸船笙歌擁花燭燃青鸞  
飛下入文軒秋波烟翠黛鮮分明花洞小書僊

皂羅袍

門掩謝家深院見紋衾低展黼帳高褰燈花碎  
結畫屏前麝蘭暗裊金鑪片繡簾風細深情未  
言紗窗月冷芳心暗牽女牛對說長生殿

大聖樂

入巫陽雨戀雲纏幙全遮燈半剪瓊津煖潤春  
羅薦濃香沁軟紅鑄這些時莊周曉夢迷蝴蝶  
可正是望帝春心托杜鵑嬌痴腩腆盡平生供  
養痛惜深憐

解三省

從今去春風茂苑從今去夜月文園從今去天  
桃栽向河陽縣從今去玉種藍田從今去壺觴

歲歲郊西輦從今去簫鼓年年湖上船常畱戀  
謝人間離別和你永遠團圓

皂角兒

念芳卿心專意堅儘他人海移山變任飄流水  
宿風飡料隨處姓揚名顯休問咱走西秦畱南  
越住東吳居北海天涯踏遍脚跟無線杖頭有  
錢稱遨遊名山洞府定是神僊

尾聲



而今始信蓬萊淺青雀爭啣海外箋會看取同  
赴仇池小洞天

中呂

好事近

代寶界山人  
寄趙素卿作

人去莫登樓況當風景三秋蘇臺雲冷教人目  
斷長洲悠悠試看霜空征雁分明寫一字字離  
愁堪悲團圓未久爲甚匆匆頓拆燕侶鶯儔

錦纏道

記緣由爲當時情和意投年少更風流這姻親

朝朝暮暮來往扁舟意僊姬初難匹偶誰知道  
便容消受遂爾兩兩綢繆巫陽縹緲雲深雨不收  
靈鵲千羣駕似明河織女會牽牛

普天樂

性纏綿心拖逗永懽娛無倻憊又誰知霹起風  
波驀然間打散雙鷗終須罷手怎禁得霎時間  
絃剪箜篌

古輪臺

恨難畱半江斜日放歸舟淒涼正值金風驟梧  
飄時候看淚洒江洲空溼透縷金衫袖料想別  
來黃昏清晝任一簾落葉响銀鈎渾如病酒應  
爲郎望斷雙眸宮眉細蹙楚腰纖削相思依舊  
欲說又還休無限關情事一時和雨到心頭

尾聲

丰姿媚體態柔喚飛燕名兒非謬終有口還向  
昭陽殿裏遊

南呂

香羅帶

壬申秋何昭華訪余玉山  
下扁舟西歸賦別

天寒澤國秋斜陽渡頭佳期千里一夕休只見  
潮平月落水西流也戴個人兒去竟難畱傷心  
滿目不盡愁誰料別院三杯酒斷送清溪一葉  
舟

醉扶歸

好時光故把情拖逗惡姻緣何事苦追求新相  
知都爲強支吾舊時交反把人掣肘金盆覆水

總難收梨花冒雨甘消受

香柳娘

漫懷人倚樓漫懷人倚樓不堪回首一林黃葉  
清霜皺對孤燈細籌對孤燈細籌今夜到湖州  
蛾眉暫開否想心情不自由想心情不自由簾  
櫳下鈎黃昏清晝

尾聲

秋來更比黃花瘦勸卿卿不須倜傥有一日遇

個人兒定好迷

南呂

七犯玲瓏

壬申八月十七夜遇  
陳芳蘭于虎丘作

香羅帶琳宮慕地逢  
翛然林下風飛瓊鞚鶴來  
雲洞梧葉兒飄忽入芳叢  
柳撼鶯初識路紆花  
未通水紅花奈匆匆  
一時愁冗豈料尋踪覓跡  
重訪曲闌東  
皂羅袍似賃春  
孟女托梁鴻  
類聽琴崔氏投張珙  
空庭月滿花香酒濃  
閨階露下釵橫  
髮鬆桂枝香  
密語還重訂  
春詞定幾封  
排

歌巫陽夢恨又空上方風落夜堂鐘黃鸝兒環  
珮有無中

前腔

再寄陳芳蘭

芙蓉翠館僊別來今幾年浣花溪畔驚重見誰  
發夜深船野店雞初醒水村人未眠總畱連恩  
情還淺不想前生少欠要了此生緣解犀梳分  
却翠鬟蟬剪湘裙畱下生綃絹相思何處歸鴻  
水邊夢魂飛去翔鸞鏡前宿約渾無定私書未

敢傳初寒日欲暮天多應伴月立西軒愁絕小  
嬋娟



續江東白苧卷上

續江東白苧

卷下

雙調

步步嬌

別情 壬子秋日代  
幻住子寄邢素蘭作

忒忒令

初見

尹令

重逢

品令

訂盟

荳葉黃

幽遇

玉交枝

權會

月上海棠 話別

江兒水 離情

川撥棹 哀怨

嘉慶子 祈祝

尾聲 復合

征胡兵 代閨人寄遠

前腔 答閨人

南呂  
六犯碧桃花

仙呂

小措大

癸酉季秋代絲蘿  
居士懷馬湘蘭作

不是路

長拍

短拍

尾聲

中呂

榴花泣

代少室山人九日雨  
花臺別陳文姝作

錦纏道

節節高

漁家燈

尾聲

係片

甘州歌

代敲臺居士  
贈徐三瓊英

前腔

不是路

解三醒

前腔

尾聲

商調

金落索

爲濱竹姜入懷  
華亭秋水作

五更轉

簇玉林

琥珀猫兒墜

尾聲

南呂

七賢過關

代金壇王四兒錫  
山渡口曉別作

南呂

銷金帳

夜宿穆陵  
關客舍

南呂

楚江情帶金子經

歲暮客  
中書懷

山麻客

此調未定再查南九宮作二犯闕寶蟾近本作繡停針俱非是

五韻美

近本作醉歸遲恨薄情俱非是

四般宜

卽蠻牌令

五般宜

近本作江頭送別賀昇平怨東君俱非是

江頭送別

近本作關雙雞非是

憶多嬌

此調刻南九宮譜原如魂渺漠唱近本增出十餘字不知何調

越調

小桃紅

乙亥初秋代安茂卿寄南都禱禱作與暗思昔日同調

下山虎

尾聲

僊呂

四季花

寒宵  
閨怨

集賢賓

簇林鶯

琥珀貓兒墜

水紅花

尾聲

雙調

二犯江兒水

莫雲卿携戴腕  
兒過婁水作



商調

啄木兒

題幽閨女郎○此套出商輅三元記戲文春歸後花正并同調

賣花聲帶歸僊洞

尾聲

中呂

好事近

代瑯琊季子寄白玉英

泣顏回

榴花泣

石榴花

尾聲

南

○巫山十二峰

代高平生憶杜隱娘

三僊橋

一從他們起誓  
時畧聚首止

白練序

颯颯萬縷長起  
画橋遊舫止

醉太平

惆悵藏鴉未  
穩起堪傷止

普天樂

婚姻分內緣不到起  
使人夢斷魂勞止

征胡兵

百愁萬苦千生受  
起飯食何處有止

香遍滿

須索耍掙闌起也  
只爲糟糠婦止

瑣寒窗

守孤幃幾度沾衿  
起毋苦難禁止

劉潑帽

烏絲醉寫假紅袖起  
半霎兒渾忘舊止

三換頭

鸞臺罷粧起  
且都揀捨止

梁州序

向水山起  
幾人見止

節節高

漣漪戲絲鴛  
起人清健止

東歐令

青山疊疊水  
悠悠兩句

尾聲

南大疑山

代金陵馬瑤姬寄渤海次君

香羅帶

一從鸞鳳分起  
首餘典無存止

征胡兵

飯食何處有起  
方纔可救止

嬾画眉

強對南薰起流  
水共高山止

醉扶疇

只怕爲你難移  
寵起心先痛止

梧桐樹

黃鸞似喚儂起  
故把人憊慙止

瑣寒窗

那愁他密囊虛廩  
起賢孝堪欽止

大迓鼓

姻緣雖在天起  
赤繩不曾縮止

解三省

空回首望孤雲  
起還思忖止

劉潑帽

烏絲醉寫悵紅  
袖起渾忘舊止

尾聲

朝元歌帶朝元令

送表弟凌升  
伯遊嶺南

續下江東白苧日

續江東白苧卷下

雙調

步步嬌

別情 壬申秋日代  
幻住子寄邢素蘭作

一夜梧桐金風剪敗葉空廊戰離愁有萬千夢  
入蘭心芳香不變目斷碧雲天把西樓東角閒  
凭遍

忒忒令

初見

記初見在春風繡筵又驀遇在夜香深院花枝  
嫋嫋似趁風兒顛入叢裏信難傳人藜裏信難

傳又誰知背畫闌把秋波暗轉

尹令

重逢

自別去心畱意眷再沒處尋方覓便誰道渡頭  
重面還似舊時迷戀路枕藍橋肯負前生未了  
緣

品令

訂盟

娘行爲何再入武陵源池亭深處恰是降飛僊  
幽期密訂去畱多腩腆太湖石畔只恐怕他人

瞧見帶綰同心共結東林祇樹邊

荳葉黃

幽遇

夜深沉漏滴銀鎖兒空聯挽青鸞翅入重樓挽  
青鸞翅入重樓親受用香溫玉軟一時繾綣釵  
橫鬢偏真個是水雲中的鷓鴣真個是水雲中  
的鷓鴣看遺却花鈿零落在銀瓶錦韉

玉交枝

懽會

舞衫歌扇載卿卿西江畫船紅衣溼處清波濺



並頭開徹雙蓮絲絲柳條風渚牽瀟瀟竹影溪  
雲淺擁鴛衾落月未眠酒初醒猶聞香喘

月上海棠

話別

最可憐懽娛未了生離怨恨片帆東去甚日重  
還霎時間翠減香消頃刻裏山長水遠重罰願  
願年年相見勝是今年

江兒水

離情

江水明於練秋雲薄似綿奈扁舟飄忽如飛箭

看牀頭翠被餘香捲囊中秀髮和愁纏怕睹社  
前歸燕何日重來還向舊家庭院

川撥棹

哀怨

詩題絹淚斑斑成翠蘚夜迢迢  
輾轉無眠夜迢迢輾轉無眠夜迢  
迢輾轉無眠洞房虛孤燈慘然似  
枯枝泣露蟬似風花哭杜鵑

嘉慶子

祈祝

腸斷箜篌第五絃奈萬事傷心在眼前  
總風波

倏起平川總風波倏起平川誓把衷心鐵石堅  
願頻頻音信傳莫教人眼望穿

尾聲

復合

歸舟有日還重見那時節錦堂懽宴銀燭高燒  
繡帳懸

征胡兵

代閨人  
寄遠

天涯芳艸王孫去長途短途近來信下瀟湘浪  
游知在楚夢投何處路雁飛去且不到衡陽我

芳魂怎度

前腔

答閨人

西江春水舟如箭歸期應不遠情誰寄與卿卿  
休只管憂與煎你暫時聊自遣繡窗下有日恣  
歡娛黃昏小院

南呂

六犯碧桃花

華林百種玄都千樹艷色幽香絕異爭如一品  
天然淺淡芳姿未許霜禽覩還憐粉蝶窺梨花

海東白  
系一  
榭柳絮池淡粧濃抹兩相宜最愛他舞餘涼月  
霓裳冷最愛他歌罷陽春白雪飛香含素袖烟  
籠翠裾重門深鎖無尋處問僊姬天台應少何

事阮郎歸

唐戎昱詩重門深鎖無尋處疑有碧桃千樹花

仙呂

小措大

癸酉季秋代綠蘿居士懷馬湘蘭作

桂堂東畔背燈門掩秋宵孤雁數聲飛落空濠  
余殘夢繞天涯自長干到寂寞形影誰弔聽譙  
鼓南樓天漸曉香燼消露冷芙蓉葉半凋爲娘

行頓添縈惱音書斷絕無聊

不是路

暗憶多嬌別後容顏難畫描花枝嫋春生滿座  
氣何豪喜揮毫風流咎日追蘇小詞翰當年駕  
薛濤描蘭艸秋枝葉葉能奇妙有這般才調這  
般才調

長拍

湛湛湘皋湛湛湘皋盈盈蘭沼雲水怎禁迢迢

章華臺館想裙兒半縮宮腰目斷帝城遙向晚  
煙深處遠山殘照別浦歸鴉風正緊正客棹聚  
江均胡爾錦書縹緲悵月明古渡浪急回潮

短拍

宋玉愁多潘郎鬢老向迴廊遍寫芭蕉何事女  
兒曹只討得秀才家枯槁望殺秦樓蕭史直待  
要吹斷鳳鸞簫

尾聲

金陵驛路原非寫江城日算好相邀有一日銀  
漢星飛渡鵲橋

中呂

榴花泣

代少室山人九日雨  
花臺別陳文姝作

長江東注目斷荻花洲同攜手下青樓滿城風  
雨總難畱依依的欲住無由原非浪遊笑書生  
何事歸偏驟冷淡了馥馥香衾遺落了小小雲  
堯

錦纏道



羨風流似石城當年莫愁嫵媚更溫柔翠紅鄉  
天然生下一種嬌羞爲憐才情偏耐久非容易  
便能成就眉畫兩山秋相逢花底雙波溜不收  
驀地傳心處笑窺人佯整玉搔頭

節節高

江東第一流逞歌喉天邊過住行雲走鶯聲溜  
扇影搗梁塵逗秋來更比黃花瘦風流一段難  
消受曾聞金屋貯娉婷生身原是陳家後

漁家燈

今日裏別酒長亭明日向匹馬荒丘算只是幾  
夜恩情比他人數年婚媾勸伊莫便多倥傯願  
歲歲共逢重九夷猶終難逗遛丹陽道寒雲正  
愁

尾聲

長干在望空回首亂山高下入常州心似江波  
不定流

江東白辛

續下

僊呂

甘州歌

代敲臺居士  
贈徐三瓊英

紅樓繡榜記風情千古猶見徐娘儀容聰俊月  
下素蛾相倣宮眉秀靨難描寫高髻雲鬟別樣  
粧堪憐向迴廊花底端相

前腔

念年少綺羅生長見家常偏愛淺淡衣裳清歌  
飛動天外野雲颺颺門盈海內文章客斷盡江  
南刺史腸等閒將羈人忘却他鄉

不是路

何處劉郎引入桃源一徑長忙投訪見樓臺  
畫舞鸞鳳珮鏗鏘分明閨苑飛僊降邂逅相將  
入洞房情惚恍似鴛鴦一對同飄蕩踏翻春浪  
踏翻春浪

解三酲

生受處錦衾羅帳促急裏蝶趁蜂狂燈兒剔處  
歡心暢東風橫燕鶯忙亂茸茸林花着雨臙脂

落軟欵欵水荇牽風翠帶長金鈎上看烏雲繖  
處旖旎聞香

前腔

頃刻間霧迷青嶂霎時裏花落河陽長亭一曲  
陽關唱青衫袖淚千行最堪憐半江露滴芙蓉  
冷恰正是兩岸風凋楊柳黃情難忘總笑歌深  
處獨自淒涼

尾聲

姑蘇東望添惆悵一騎重看入豫章却指金陵  
是故鄉

商調

金落索

爲濱竹姜八懷  
華亭秋水作

瑤臺一絳僊原住朝雲殿嬈娜腰肢秋水雙眸  
剪塵緣未掃除思牽纏謫向人間十八年暫辭  
王母離真境聊逐東風上舞筵垂楊線眉兒葉  
葉更堪憐爲傷春怕立簾邊愁覩欄邊零落盡  
桃花片

五更轉

羨畫梁棲雙燕奈姻親獨未完檀郎漫自漫自  
多留戀好事蹉跎光陰如箭念往回空逗遛無  
方便蒼天甚日甚日從人願月轉迴廊夜香庭  
院

簇玉林

今迢遞路幾千笑花神未有權任風開落飄蒼  
蘚但芳心至死香不變恨綿綿幾多心事都付

十三絃

琥珀猫兒墜

那人何處消渴在文園贏得文君眼望穿陰雲  
終散月終圓嬋娟須有日飛向蓬萊還寤生前  
尾聲

清宵白晝難消遣含羞未敢向人言只恐青樓  
作話傳

南呂

七賢過關

代金壇王四兒錫  
山渡口饒別作



梧桐樹  
首四句  
離簷風馬馳粉蝶霜鳥起幾夜畱君想

是終難住

四犯黃鸝兒  
第七第八句

殘燈尚熾芳心未灰

山坡

羊第七句  
至第十句

只得眼前眼前由他去路阻關河役

返全憑你

香遍滿第  
三四句

奈衾寒枕冷畢竟有誰知

金落索第七  
句至第九句

水遠山長幾日歸今朝又向江頭

別忍見日落潮平是去時

皂羅袍  
五六句

思君輾轉柔

腸九迴

桂枝香  
結二句

似東流水日夜東流無盡期

此調南九宮不載起是梧桐樹想屬南呂宮  
分鏡記中有三首常聞王四兒歌之音調精

絕爲當代女流第一檢雍熙樂府亦載四首  
此分鏡各多三句中間第五第六句雍熙皆  
以平聲爲韻脚而分鏡則前韻仄後韻平詳  
西兒唱法頗似拜月亭四犯黃鶯兒寶鏡分  
破兩句且第九句作高唱像荆釵記爲你投  
江爲你把殘生害句似非山坡羊末句作低  
唱像琵琶記須信家貧不是貧句似非桂枝  
香又不知四兒何所從來也但第十三句下  
面雍熙各多二句必是金落索末句上面雍  
熙各多一句必是桂枝香分鏡不過一傳奇  
耳若雍熙乃聖世正音當據爲正可也予於  
古人詞曲中有未諧者不辨何調如瓦礫之  
在懷必欲求其通暢而後已戊辰歲游錫山  
王氏館中因四兒愛唱此詞細味音律聊定  
七調遂代其畱別賦此以申睽離之感殊不  
知果合作者之意否也俟審音者再詳定之

南呂

銷金帳

夜宿穆陵  
關客舍

松窗半掩月落空庭暗笑孤身在關門店爭奈  
夜永不寐剔殘燈焰西風透入透入茅簷破苦  
起弄雙劍驚落疎星千點誰憐變了變了蒼蒼  
鬢髯

南呂

楚江情帶金字經

歲暮客  
中書懷

春歸在客先窮途可憐江東雁轉書不傳每逢  
花發記流年也王孫憔悴迢迢故園寒燈旅館

人未眠冷瀟瀟月落西軒冷瀟瀟月落西軒夢  
遶巫峰遍歸程路幾千歸程路幾千何時信馬  
鞭直撞入深深院○直撞入深深院恰相逢曲  
檻邊駭得多嬌步欲旋步欲旋鞋兜雲髻偏禁  
不住春心顫想今宵人月圓想今宵人月圓

楚江情卽羅江怨前段是香羅帶中段似皂  
羅袍後段是一江風但羅江怨少中段三句  
遞調  
小桃紅乙亥初秋代安茂卿寄南都  
褚構作與暗思昔日同調

江東逐客冀北歸鞭歎來往一似梁間燕也寥

江東佳話  
續  
落關河底飄泊是何年東風裏哭啼鶻空奔走  
會芳亭麗春園秋香館直踏遍朝雲殿也笑殺  
漁郎緣分淺漫回首各風煙知何處武陵源

下山虎

金陵佳麗粉黛三千誰喚做司花吏可便萬中  
堪羨怎知有燕乳鶯雛花濃柳鮮似蝶翅翩翩  
風外軟沼上湘簾捲一朵紅粧出水蓮聞說道  
名爲倩纖柔可憐未許并刀却把小紅剪

山麻客

此詞未定再查南九宮作二犯  
鬪寶蟾近本作繡停針俱非是

試叩却深深院誰知道會你良姻就我芳緣嬋  
娟天生下一種的芙蓉嬌面霎時間意猿心馬  
玉憐香惜思惹情牽

五韻美

近本作醉歸遲  
恨薄情俱非是

向紅樓行遊遍清歌妙舞多懽宴似娘行真覺  
衆中鮮香閨靜掩羞檢點銀蟬金鈿但只是描  
蘭艸展翠箋傷千古寫出南朝都是故宮廢苑

四般宜

卽蠻牌令

初掩映夜燈前衷腸事苦難言蘇卿情性徹都  
付與四條絃一心念雙生軟款那裏管上水茶  
船今日裏臨邛路豈偶然忔錚錚更將琴韻偷  
傳

五般宜

近本作江頭送別賀昇平怨東君俱非是

他肯戀章臺中青驄錦韉他豈想侯門貴戚翠  
屏綺筵他是個新謫的洞中僊咱是個谷口渡

口採芝劉阮他那裏情何婉變咱這裏行當罷  
勉雖則是擔閣了盟言料佳期應不遠

江頭送別

近本作關  
雙雞非是

傷春瘦傷春瘦別來誰眷悲秋淚悲秋淚會須  
自遣不久錦堂還重見休只管日夕熬煎

憶多嬌

此調刻南九宮譜原如魂渺漢  
唱近本增出十餘字不知何調

他志堅咱意專盈盈牛女一水間難道月圓人  
未圓暗告蒼天暗告蒼天有日星迴斗轉

江東白草

續下法



尾聲

年華輾轉銅壺箭但促急音書無便相憶看雲  
白晝眠

仙呂

四季花

寒宵  
閨怨

寒氣透疎櫺正牕兒破風兒猛背却殘燈愁聽  
高梧露滴秋夜清南山子規啼一聲月沉西門  
暗扃曉鐘何處噹噹五更巢籠坐倚直到明輾  
轉夢不成難道便一生孤另奈香冷篆冷衾冷

枕冷人冷

集賢賓

六朝舊事心暗評消磨多少豪英朱雀烏衣畱  
話柄記潘妃蓮步輕盈景陽宮井多半是佳人  
薄命須自省盡沉沒算天鴻影

簇林鶯

還懷舊自幼齡播蜚聲滿上京長干歷遍諸名  
勝鳳皇臺晝登燕子磯曉行莫愁湖上春風艇

總無憑年華已矣何事負平生

琥珀貓兒墜

而今憔悴獨對短檠燈眼見淒涼逢算景當初  
誰道又恁零丁牽情羞覩那鳥鵲橋邊匹配雙  
星

水紅花

海盟山誓信非輕數年庚今成畫餅一生寂寞  
竟何曾問儒卿甘心誰等挽不住夕陽西下遣

不去恨難平這場恩怨不分明也囉

尾聲

歎行藏頻看鏡大都塵世總浮萍不如靜掃花  
前去學誦經

雙調

二犯江兒水

莫雲卿携戴膩  
兒過婁水作

娘行清秀覩着俺娘行清秀秦樓誰更有愛櫻  
桃注口秋水凝眸似章臺風外柳怯怯啓鶯喉  
怯怯啓鶯喉行雲去欲畱繡被香堦羅襪雙鈎

喜孜孜軟身軀全是酒溪邊渡頭水河阻溪邊  
渡頭黃昏清晝受用足黃昏清晝羨君家遇人  
兒是莫愁

商調

啄木兒

題幽閨女郎○此套出商鞅三元記戲文春歸後花正卉同調

誰家女兩髻丫滿臉嬌羞將破瓜聽清聲如柳  
外雛鶯覷香鬟似日裏寒鴉選良姻不便輕婚  
嫁守清規常自甘孤寡好似一朵藏風葉底花

賣花聲帶啼僊洞

獨閉房櫳有誰懽狎伴侶相邀暫同戲耍繡鞋  
剛三寸些兒大細腰身捻就無一把避東風簾  
多下。步花徑欄檻狹防人覷常驚說荆棘抓  
裙鞞倒閃在茶蘼架勾引得嫩枝呶啞討歸尋  
空罅仗舊家巢燕引入窗紗

尾聲

這多嬌真無價若還情願到人家準備日夜燒  
香供養他

中呂好事近

代瑯琊季子  
寄白玉英

花館貯多嬌。冠當筵。風度飄飄。娥歌飛處柳外  
乳鶯春曉。閨宵換套青袍。烏帽分明是宋玉的  
半標。如今恨。歸遲去早。爲甚雲迷楚岫。路阻藍  
橋。與風月兩無功。同前四句似泣顏回。以東野  
翠烟消作好事。近非阻字。莫作低唱。好接後

泣顏回

風雨坐無聊。奈別後。憂心悄悄。蘇堤何處。重湖  
烟水迢迢。料嬉遊興。少有一日。定返山陰。棹明

知伊誓重盟深空教人目斷魂勞

與聽說淚交頤同因前四

句似好事近諸本以東野翠烟消不作泣顏回非也

### 榴花泣

江州司馬疑是舊根苗看他樊素口小蠻腰青  
衫應是淚痕交憔悴了雨葉烟條音書怎梢笑  
錢塘路近人難到倚南樓風色淒淒夢西堂竹  
影瀟瀟

與折梅逢使同前六句是石榴花後四句是泣顏回

### 石榴花

江東白苧

續下



他世情無奈只得暫相拋豈貪跋涉戀遊遨我  
可不甘心閉戶守寂寥這姻親自分難遭肯還  
尋閒花并野草料花星定然相照從今後步東  
山出西郊調鸞瑟醉鮫綃

南九宮朔風凜凜同  
乃石榴花本調

本俱  
未收

### 尾聲

雙雙引入巫陽廟定看算算與朝朝羞殺人間

兒女曹

南○巫山十二峰代高平生憶杜隱娘

三僊橋

一從他們起誓  
時畧聚首止

院落清明左右遇花時倍僊悠關河路阻雁歸  
書未有

白練序

颿颿萬縷長起  
画橋遊舫止

清畫上小樓奈觸目雲山都是愁難尋究風食  
水宿淡烟疎柳

醉太平

惆悵藏鴉未  
穩起堪傷止

輻輳雙雙配偶是誰人打散覆水難收離箋恨  
譜書不盡舊日根由無仇

普天樂

婚姻分內緣不到起  
使人夢斷魂勞止

緣何處處藏機殼誓把菱花生分割繫春鴻另  
趙書郵掣文鴛還添械杻絆驂驕使人更射戈  
矛

征胡兵

百愁萬苦千生受  
起飯食何處有止

千山萬水親投首逆來俱順受自知萬死一生

爲郎甘出醜

香遍滿

須索要掙閨起也  
只爲糟糠婦止

認千般斷送已  
擦却一命丟誰知  
恁這毒劣却  
又得神明祐

瑣寒窗

守孤幃幾度沾衿  
起毋苦難禁止

歎如今流落滄洲  
何處天南海北頭  
料停雲滯  
雨似漂渺孤鷗

劉潑帽

烏絲醉寫  
慢紅袖起  
半霎兒渾忘舊止

想房櫳靜掩眉兒皺應未休性格兒還如舊

三換頭

鸞臺罷粧起  
且都揀捨止

風花路岐暮雲時候秋深別館想寒生敝裘此  
事明知拖逗這其間只是我不合來把伊掣肘

梁州序

向米山起  
幾人見止

致娘行害得無人救音信遠有誰叩

節節高

漣漪戲絲鴛  
起人清健止

風迴順水舟坐中流江頭有日輕帆走功名就

志願酬姻緣又綵雲飛處青鸞驟

東鷗令

青山疊疊水悠悠兩句

腰纏騎鶴上揚州談笑覓封侯

尾聲

喜重諧言非謬試看織女共牽牛擬定相逢在  
歲週

南

九疑山

代金陵馬瑤姬寄渤海次君

香羅帶

一從鸞鳳分起首飾典無存止

江東日暮雲寒鴉遠村關河千里勞夢魂四年  
不見倍傷神也

征胡兵

飯食何處有起  
方纔可救止

黛眉多瘦損往來空寄信總然要打聽近行蹤  
無人可問

嬾畫眉

強對南嶽起流  
水共高山止

鳳城車騎日紛紛只得勉強支持病裏身奈蕭  
郎不是個中人

蕭郎瑤  
姬近友

醉扶歸

只怕爲你難移  
寵起心先痛止

最憐有線無針引因此上杜陵來去沒寒溫到  
不如崔生日夜常親近

杜三堂崔澤  
賓次君密友

梧桐樹

黃鶯似喚儂起  
故把人儂愁止

香囊刺繡新画扇描蘭俊自着春衫束得腰身  
緊寄時萬縷紫方寸

瑣寒窗

那愁他罄囊虛廩  
起賢孝堪欽止

一星星意真情懇偶聞君與水館有深盟這忘



機鷗鷺休親

盟鷗次君  
新築館名

大迓鼓

姻緣雖在天起  
赤繩不曾縮止

相逢期孟春上元佳節燈火黃昏尺書何事無  
憑準

解三醒

空回首望孤雲  
起還思忖止

今回普又過春分長江且是東風順况一騎丹  
陽便到白門還思忖

劉潑帽

烏絲醉寫俚紅  
袖起渾忘舊止

紅顏定是多薄命莫負恩看舊日緣和分

尾聲

秋來又見歸鴻陣倚樓南望正斜曛  
擦却和淚緘書再寄君

朝元歌帶朝元令

送表弟凌升  
伯遊嶺南

江通五溪旆拂青羅水山開九疑騎入紅蕉壘  
鷓首泉飛馬頭雲起最喜林花如綺故惹征驂  
清香細細生客衣山木女郎祠猿聲十二時長

亭有幾休回首故鄉迢遞故鄉迢遞○試聽杜  
鵑何處黃陵廟裏啼只管喚人歸松篁掩翳見  
晚烟深翠微晚烟深翠微洞口臨沙際驛路楚  
雲西欲致相思折梅花動不動人千里遠遊更  
堪悲千山落照移湘江鯉魚好囑付素書頻寄  
素書頻寄

續江東白苧卷下